



DEPUTACIÓN PROVINCIAL  
A CORUÑA

SERVIZO DE PATRIMONIO E CONTRATACIÓN



CONCELLO DE SANTIAGO DE COMPOSTELA

Número 18 /2020

## CONVENIO DE COLABORACIÓN ENTRE A DEPUTACIÓN DA CORUÑA E O CONCELLO DE SANTIAGO DE COMPOSTELA PARA O DESENVOLVEMENTO DO FESTIVAL ROSALÍA 2020

En Santiago de Compostela , a 26 de febreiro de 2020.

### REÚNENSE

Dunha parte, en representación da **Deputación Provincial da Coruña, D. Xosé Xurxo Couto Rodríguez**, Deputado delegado de Cultura, Políticas de Igualdade de Xénero e Normalización Lingüística, en virtude de resolución da Presidencia número 24475 de 16 de xullo de 2019.

E doutra parte, en representación do **Concello de Santiago de Compostela**, o Alcalde-Presidente **D.Xosé A. Sánchez Bugallo**.

As dúas persoas comparecentes interveñen en uso das súas facultades que por razón dos seus cargos estanlles atribuídas

### MANIFESTAN

Que o *Festival Rosalía* púxose en marcha despois dun proceso de xuntanzas desenvolvido en 2017 entre a área de cultura da Deputación da Coruña, o Concello de Santiago, a AELG e a Fundación Rosalía de Castro vinculado ao centenario da inauguración da estatua na súa honra da Alameda Compostelá.

Que a Deputación da Coruña é a organizadora do *Festival Rosalía 2020* que terá lugar en Santiago de Compostela o día 29 de febreiro integrado por un conxunto de actividades artísticas e unha feira cultural ao redor da figura de Rosalía, e que se desenvolverá nunha carpa na praza de Cervantes.

Que ambas as partes, tendo en conta a importancia e valor da obra de Rosalía de Castro, a figura principal da literatura galega, que desenvolveu os fitos principais da súa vida no seo desta provincia, consideran que o *Festival Rosalía* ten un gran interese para poñer de manifesto a súa vixencia e manter a súa presenza.

Dado o coincidente interese de ambas as institucións acordan formalizar o presente convenio de colaboración conforme as seguintes

### CLÁUSULAS

#### PRIMEIRA.- OBXECTO DO CONVENIO.

O obxecto deste convenio é determinar o marco de colaboración entre a Deputación Provincial da Coruña e o Concello de Santiago de Compostela para favorecer a celebración do *Festival Rosalía 2020* organizado pola Deputación da Coruña.

## SEGUNDA.- OBRIGAS DAS PARTES.

Para acadar a finalidade expresada na cláusula anterior, as partes representadas comprometen a súa vontade, programando as seguintes actuacións:

### a) Deputación Provincial da Coruña:

\* Organizar o *Festival Rosalía 2020* e financiar todas as actividades programadas, para o que tramitará os expedientes que correspondan.

\* Elaborar as bases que regularán a participación e instalación de postos na feira.

\* Adxudicar os postos.

### b) Concello de Santiago de Compostela:

\* Xestionar e financiar os permisos de actividade e o aluguer e montaxe da carpa; a seguridade nocturna a noite do 28 ao 29 de febreiro e do día 29.

\* Instalar un cadro eléctrico no lateral da praza.

\* Dar acceso ao espazo dos cameríns no edificio municipal anexo.

\* Difundir o *Festival Rosalía 2020* nos espazos municipais de difusión.

## TERCEIRA.- APORTACIÓN ECONÓMICA DAS PARTES.

A Deputación Provincial da Coruña financiará os gastos derivados das súas obrigas cun importe de **29.000 €**, de acordo co seguinte orzamento:

* Comisariado deseño contidos, dirección e coordinación	3.363,80 €
* Producción	5.723,30 €
* Atención posto Deputación	574,75 €
* Contratacións artísticas	10.950,50 €
* Comisariado accións de difusión	2.783,00 €
* Deseño gráfico	1.179,75 €
* Materiais difusión, redes sociais, prensa	3.593,23 €
* Imprevistos	831,67 €

O Concello de Santiago de Compostela financiará os gastos derivados das súas obrigas cun importe de **3.620,93 €**, de acordo co seguinte orzamento:

* Aluguer da carpa	3.025,00 €
* Servizo de seguridade nocturna	232,93 €
* Conexión eléctrica	363,00 €

## CUARTA.- XUSTIFICACIÓN.

A Deputación Provincial da Coruña e o Concello de Santiago de Compostela acreditarán o cumprimento das obrigas asumidas na cláusula segunda, mediante a achega dunha certificación acreditativa do pago dos gastos que figuran na cláusula terceira; ademais, o Concello acreditará a difusión do *Festival Rosalía 2020* nos espazos municipais de difusión, mediante a achega de imaxes que o xustifiquen.

A dita documentación será remitida por cada unha das entidades asinantes á outra antes do 30 de novembro de 2020.

## QUINTA.- VIXENCIA DO CONVENIO E MODIFICACIÓN.

As actuacións obxecto do presente convenio desenvolveranse no marco da organización e celebración do *Festival Rosalía 2020*, polo que a súa vixencia finalizará logo de que se teñan

feitos todos os pagamentos derivados do dito festival e remitida a documentación sinalada na cláusula cuarta, tendo como data máxima o **31 de decembro de 2020**.

Por acordo expreso de ambas as dúas partes e por causa debidamente xustificada, e previos os informes que correspondan o convenio poderá ser obxecto de modificación.

## SEXTA.- XURISDICIÓN E SEGUIMENTO.

Será de aplicación a Lei 40/2015, do 1 de outubro, de réxime xurídico do sector público.

Este convenio ten natureza administrativa. A xurisdición contencioso-administrativa será a competente para o coñecemento de posibles cuestión litixiosas que poidan suscitarse como consecuencia del.

Para o seguimento coordinado da execución do presente convenio poderá crearse unha comisión de seguimento formada por dous representantes de cada unha das institucións nomeados polo Presidente da Deputación e do Concello de Santiago de Compostela.

En representación da  
Deputación Provincial da Coruña

En representación do  
concello de Santiago de Compostela

**Asdo.D. Xosé Xurxo Couto Rodríguez**

**D. Xosé A. Sánchez Bugallo.**